

庸

齋

集




膳錄監生臣孫永治


庸齋集

四庫全書珍本初集

集
別集
部
類

商務印書館受教育
部中央圖書館籌備
處委託景印故宮博
物院所藏文淵閣本





詳校官起居注主事臣顧宗泰

主事臣呂雲棟覆勘

欽定四庫全書

集部四

提要

庸齋集六卷

別集類三

宋

臣等謹案庸齋集六卷宋趙汝騰撰汝騰字茂實庸齋其自號也太宗七世孫居于福州登寶慶二年進士歷官端明殿學士提舉佑神觀兼翰林學士承旨事蹟具宋史本傳其集宋史藝文志及諸家書目皆不著錄屬鶚

宋詩紀事載宋宗室共七十五人亦無汝騰
之名惟永樂大典各韵中間收入汝騰之文
有題趙庸齋集者有題趙庸齋蓬萊閣紫霞
州集者又有題庸齋瑣闥集者而舊序已佚
其卷目次第不可復考謹蒐羅殘缺釐次成
編析為六卷篇帙無多可無煩名目統題作
庸齋集以歸于一汝騰生朱子之鄉故沿湖
餘波頗能講學然史稱其守正不撓其為禮

部尚書兼給事中時上疏極論姦諛興利之
臣戕損國脉而規切理宗之私惠羣小令集
中壬子六月內引對第一第二劄即其全文
反覆詳明深中時弊又集中內外制序自稱
嘗以草制忤史嵩之去國又稱時有無罪被
謫如王三俊李伯玉之類皆留黃不書上疏
申救施行遂為之格是其氣節嶽嶽真不愧
朱子之徒非假借門牆者可比惟考周審癸

辛稼穡稱汝騰爲從官力薦三衛徐霖爲著作郎至此之范文正公而霖舉止顛怪妄自尊大霖之無忌憚皆汝騰縱其狂至目汝騰爲大宗師已爲小宗師遞相汲引霖既被逐汝騰亦不自安遂求補外云云按集中與徐徑坡唱和最多徑坡即霖之字其贈詹生謁徑坡詩云瞻彼徑坡今之泗水又贊徑坡使君柯山講席之盛詩云立天地心鳴道鐸開

生靈眼識師儒其推挹之詞殊為誕謾無狀
知周密所紀為不誣是則宋季士大夫崇尚
道學矯激沽名之流弊亦不容為汝騰諱矣
觀于是集良足為千古炯鑒也乾隆四十六
年九月恭校上

總纂官

臣紀昀

臣陸錫熊

臣孫士毅

孫士毅


總校官

臣陸

費

墀

費墀



金曰思無邪藏以一言易教精微四德首元演六十四
母坤父乾春秋事教惟義與權行夏之時獨許顏淵樂
教導和鐘鼓管絃雷出地豫樂之大原禮教導中三百
三千其端辭遜如始達泉垂茲六教何千萬年睠惟此
邦儒哲比肩厥有考亭是紹濶濶發揮六學有功聖賢
守吏初獻與士周旋祀畢作頌同志勉旃

乙卯仲春丁亥畢作素王頌一首呈承祭之士

頌曰

於穆素王天縱將聖小用于魯振挈綱領萊兵面節齊
人退聽三都隳姦兩觀鋤佞市無飾賈朝無亂政少壯
悉遜道塗不競曲阜大治諸侯交儆女樂間之可以出
迸俟膳不至于衛之境留不煖席去復俄頃幾圍于匡
幸釋以寗歸主遽瑗耻居次乘彷徨過宋流離在鄭魍
惡習禮木不留影立郭東門纍然誰省在陳徘徊弗授
寸柄河水洋洋不渡者命蒲盟止兵蔡懼設寗楚尼書
社稷哉讒勝轍環靡歸不容何病十有四年魯復來聘

亦莫果用六經是訂易繫禮編詩刪書定私淑三千種
歌雩詠維持太極興天地並賢於堯舜功用之盛專樂
南面此感彼應邇且牲宰庭燎輝映萬有千載垂于祀
令承祭儒紳孰敢不敬何以事之存心養性

四言詩

贈張彊赴曲江教

聖人立教以中為常不得中行取獮取狂未見狂者吾
里有張議論傑然名壓上庠惡彼佞臣請劍尚方便終